



SULEQATIGIISITSISUT
SAMARBEJDSPARTIET
UPA2019/54
Tillie Martinussen

14. maaji 2019 – Siullermeerneqarnera

Ulloq 1. juuli 2020 aallarnerfigalugu ATV-nut qamuterallannullu akitsuutit peeqqullugit Naalakkersuisut peqquneqarnissaannik Inatsisartut aalajangiiffigisassaattut siunnersuut.

(Inatsisartunut ilaasortaq Justus Hansen, Demokraatit)

Naalakkersuisut akissuteqarnerminni oqaatigaat akitsuutit pineqartut peerneqassagaluarpata ukiumut 1,36 mio. koruunit missaat annaaneqartassasut.

Peqataanik oqaatigaat ataatsimoortumik siunnersuutissaq isertitanut sunniuteqarnanilu allanik naapertuuttunik ikorfartuinissaa Naalakkersuisut aallaavigissagaat.

Nunaqarfinni isorliunerusunilu ATV´ t taamatullu qamuteralaat eqqagassalerinermi, takornarialerinermi il.il. atorneqartarput. Taamaattumik pitsaasumik kinguneqarluarsinnaassaaq akitsuutit pineqartut peerneqartuuppata.

Takornarialerinerup ingerlalluarnerulernissaanut, filmiliornermut aamma eqqagassalerinermi taamatullu nunaqarfinni isorliunerusunilu sulinermut sakkutut atorneqartuuppata iluaqutaalluurtumik atorneqalersinnaapput.

Kisianni, kisiannertaqalaarsinnaammammi, isumaqatigiissutigisariaqarparput biilitut aqqusinernilu angallatitut allatut atornelutillu mingutsisarmata taamaasillutillu avatangiisinut sunniuteqartarlutik.

Isumaqarpugut arlalinnik apersuusersorneqarsinnaasunik imaqartoq taamaattumik Naalakkersuisut akitsuutit ataatsimut allangortinneqartussanngorlugit allannguutissatut siunnersuutaat ilalerparput, taamaakkaluartorli sakkortuumik innersuussutigissavarput qulanaarniaqqullugu sapinngisamik inatsisartuni amerlanerpaat akuerseqataanissaat, pisariaqanngitsumik kanngiffissarsiortoqarnissaa pinngitsoorniarlugu soorlumi taamaattoqartoq akitsuutit avatangiisinut naleqqussaannermi kinguneqartussaannngitsut amerlanerusut kingullermik eqquteriarneqaraluarmata.

Qujanaq oqaaseqarsinnaagama.